

3. Ficheiros baixo a responsabilidade da Dirección Xeral de Interior.

Denominación do ficheiro	Empregados
Descrición da súa finalidade e usos previstos	Manter o rexistro de empregados en salóns de xogo, bingos e casinos, para os efectos de expedir o correspondente carné profesional
Colectivos de persoas sobre os que se pretende obter datos ou que resulten obrigados a subministralos	Traballadores de salóns de xogo, bingos e casinos
Orde de creación/modificación do ficheiro	Orde do 19 de maio de 2004 pola que se regulan os ficheiros de datos de carácter persoal da Consellería de Xustiza, Interior e Administración Local, publicada no DOG o 28 de maio de 2004
Destino dos datos ou previsións que se adopten para a súa destrución	Os datos deste ficheiro serán incorporados ao ficheiro Sistema de Xestión de Xogo, responsabilidade da Dirección Xeral de Interior da Consellería de Presidencia, Administracións Públicas e Xustiza e que está regulado por esta mesma orde

4. Ficheiros baixo a responsabilidade da Dirección Xeral de Protección Civil.

Denominación do ficheiro	Voluntarios de Protección Civil
Descrición da súa finalidade e usos previstos	Registar os voluntarios da Comunidade Autónoma galega, así como as agrupacións as que pertencen, para os fins de protección civil e emerxencias, xestión de procedementos administrativos e de estatísticas internas
Colectivos de persoas sobre os que se pretende obter datos ou que resulten obrigados a subministralos	Cargos públicos, funcionarios, profesionais, técnicos, asociacións e entidades que realicen funcións de protección civil
Orde de creación/modificación do ficheiro	Orde do 19 de maio de 2004 pola que se regulan os ficheiros de datos de carácter persoal da Consellería de Xustiza, Interior e Administración Local, publicada no DOG do venres 28 de maio de 2004
Destino dos datos ou previsións que se adopten para a súa destrución	Os datos deste ficheiro serán incorporados ao ficheiro de nova creación Medios Humanos e Recursos do Sistema Integrado de Protección Civil e Emerxencias, que está regulado nesta orde
Denominación do ficheiro	Catálogo de Medios Humanos e Recursos Materiais de Protección Civil
Descrición da súa finalidade e usos previstos	Conter datos relativos de localización de persoas e medios materiais para a intervención nos supostos de emerxencias e protección civil
Colectivos de persoas sobre os que se pretende obter datos ou que resulten obrigados a subministralos	Cargos públicos, funcionarios, profesionais, técnicos, asociacións e entidades que realicen funcións de protección civil
Orde de creación/modificación do ficheiro	Orde do 19 de maio de 2004 pola que se regulan os ficheiros de datos de carácter persoal da Consellería de Xustiza, Interior e Administración Local, publicada no DOG o venres 28 de maio de 2004
Destino dos datos ou previsións que se adopten para a súa destrución	Os datos deste ficheiro serán incorporados ao ficheiro de nova creación Medios Humanos e Recursos do Sistema Integrado de Protección Civil e Emerxencias, que está regulado nesta orde
Denominación do ficheiro	Catálogo de recursos da central de emerxencias 112-SOS Galicia
Descrición da súa finalidade e usos previstos	Conter datos relativos á posibilidade de localización para a intervención nos supostos en materia de protección civil e emerxencias
Colectivos de persoas sobre os que se pretende obter datos ou que resulten obrigados a subministralos	Cargos públicos, funcionarios, profesionais, técnicos, asociacións e entidades que realicen funcións de protección civil
Orde de creación/modificación do ficheiro	Orde do 19 de maio de 2004 pola que se regulan os ficheiros de datos de carácter persoal da Consellería de Xustiza, Interior e Administración Local, publicada no DOG o venres 28 de maio de 2004
Destino dos datos ou previsións que se adopten para a súa destrución	A información contida neste ficheiro pasará a formar parte do ficheiro Xestión de Incidencias 112, baixo a responsabilidade da Axencia Galega de Emerxencias, que polo Decreto 223/2007, do 5 de decembro, asume as funcións descritas na Lei 5/2007, do 7 de maio, de emerxencias de Galicia

ACADEMIA GALEGA DE SEGURIDADE PÚBLICA

Resolución do 24 de marzo de 2009 pola que se convoca un curso de segundo nivel sobre patrón para a navegación básica (PNB), que se desenvolverá de forma mixta combinando dúas clases presenciais co seguimento a través da internet.

Dentro das actividades programadas para o ano 2009, e conforme as funcións atribuídas pola Lei 1/2007, do 15 de xaneiro, da Academia Galega de Seguridade Pública, anúnciase a convocatoria dun curso de segundo nivel sobre patrón para a navegación básica (PNB), conforme as seguintes bases.

1. Datos da actividade:

Denominación: patrón para a navegación básica (PNB).

Tipo: segundo nivel.

Horas lectivas: 20

Modalidade: mixto, combina tres clases presenciais co seguimento a través da internet.

Obxectivos: con este curso preténdese conseguir que os/as integrantes dos servizos de emerxencias e protección civil adquiran coñecementos de navegación, así como a capacitación necesaria para poder pilotar unha embarcación no desenvolvemento das funcións encomendadas.

Contido: o contido do curso de patrón de navegación básica divídese en dúas partes:

Teoría:

-Nomenclatura náutica.

-Seguridade.

-Navegación.

-Propulsión.

-Convenio internacional para prever as abordaxes, no que afecta a estas embarcacións.

-Balizamento.

-Lexislación.

-Radiocomunicacións

Práctica:

12 horas de prácticas de seguridade e navegación na que se impartirán os seguintes temas:

Xeito de utilizar o chaleco salvavidas, extintores, sinais pirotécnicos, espello de sinais.

-Manexo de cabos.

-Preparativos antes de iniciar unha manobra.

-Comprobacións despois de arrancar: alarmas e instrumentos de control. Refrixeración.

-Aplicación das regras de rumbo e goberno, velocidade de seguridade, vixilancia e identificación de marcas e balizas.

-Manobras en dársena.

-Gobernar cunha referencia de terra.

-Manobra de home á auga.

2 horas de prácticas básicas de radiocomunicacións en simuladores homologados.

-Chamadas de socorro en radiotelefonía e LSD en VHF.

-Utilización práctica de VHF portátiles.

2. Desenvolvemento da convocatoria:

Destinatarios/as: os cursos van dirixidos aos membros dos servizos de emerxencias e protección civil da Comunidade Autónoma de Galicia que teñan realizado o curso básico de protección civil, acrediten coñecementos de salvamento e socorrismo acuático e dispoñan de embarcacións de salvamento nos seus servizos.

Prazas ofertadas: 25.

3. Solicitudes de participación:

Prazo de inscrición e presentación: o prazo para de inscrición e presentación de solicitudes de participación rematará o día 29 de abril de 2009.

Para inscribirse os solicitantes cubrirán a solicitude de participación que se encontra na páxina web da Agasp <http://agasp.xunta.es>, na sección Actividades formativas, cursos con inscrición aberta, non sendo admisibles outros modelos de solicitude, e remitirana telematicamente.

Esta mesma solicitude, unha vez remitida a través da web, deberán imprimila, asinala a/o solicitante e obter tamén a sinatura da autoridade do concello ou organismo do que dependan, enviándoa á Academia Galega de Seguridade Pública, avenida da Cultura, s/n, 36680 A Estrada, a través do fax 886 20 61 23, por correo postal ou segundo o previsto no artigo 38.4º da Lei 30/1992, do 26 de novembro, de réxime xurídico das administracións públicas e procedemento administrativo común.

Listaxe de solicitudes seleccionadas: o día 18 de maio de 2009 a Academia Galega de Seguridade Pública publicará no taboleiro de anuncios e no sitio web <http://agasp.xunta.es>, as solicitudes de participación que resultaren seleccionadas segundo os cri-

terios previstos no artigo 20 do Regulamento de réxime interior da Agasp (Orde do 4 de febreiro de 2009, DOG nº 30, do 12 de febreiro).

Obrigas das persoas seleccionadas: as persoas que resulten seleccionadas teñen a obriga de participar no desenvolvemento da actividade, a non ser que comuniquen a súa imposibilidade de asistencia con cando menos 48 horas de antelación ao comezo desta. Esta renuncia deberase comunicar por escrito á Agasp, por correo electrónico ao enderezo formacion.agasp@xunta.es ou por fax ao número 886 20 61 23.

Noutro caso serán excluídas automaticamente da selección para as dez seguintes actividades que se convoquen, para as cales reúna os requisitos exixidos de participación (artigos 18 e 21 do Regulamento de réxime interior da Agasp).

4. Desenvolvemento da actividade:

Lugar: sede da Academia Galega de Seguridade Pública.

Horario: clases presenciais das 10.00 ás 14.00 horas.

Datas: 6 e 20 de xuño, e o 4 de xullo clases presenciais. O 6 de xullo o exame na Escola Náutico Pesqueira de Ribeira (A Coruña) ás 16.30 horas.

Certificado de asistencia: ao remate da actividade entregaráselle un certificado de asistencia a aquelas persoas que acrediten a súa participación continuada nela. Para a obtención do título de patrón para a navegación básica é preciso superar un exame teórico na Escola Náutico-Pesqueira de Vigo, Ribeira ou Ferrol, aboando as taxas correspondentes, e realizar a práctica oficial.

5. Dereitos e deberes do alumnado participante:

Durante o desenvolvemento da actividade ao alumnado seralle de aplicación, en canto aos dereitos e deberes, o previsto no Regulamento de réxime interior da Agasp, aprobado por Orde da Consellería de Presidencia, Administracións Públicas e Xustiza, do 4 de febreiro de 2009 (DOG nº 30, do 12 de febreiro).

6. Modificacións e incidencias:

A Academia Galega de Seguridade Pública poderá modificar o desenvolvemento normal da actividade para adaptala ás necesidades da Administración e ás contingencias que poidan xurdir.

A Estrada, 24 de marzo de 2009.

P.S. (Disp. 1ª da Orde do 31 de xaneiro de 2008;
DOG nº 23, do 1-2-2008)
María Isabel Durántez Gil
Directora xeral de Interior